

增修甘泉縣志卷十五

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

人物寓賢

陳謝哲字穎預陳郡陽夏人也祖肫梁司徒父諱梁右光祿大夫哲美風儀舉止醞藉而襟情豁然爲士君子所重起家梁祕書郎累遷廣陵太守侯景之亂以母老因寓居廣陵高祖自京口渡江應接郭元建哲乃委質深被敬重高祖爲徐州刺史表哲爲長史荊州陷高祖增修甘泉縣志

卷十五

人物寓賢

一

使哲奉表于晉安王勸進敬帝承制徵爲給事黃門侍郎領步兵校尉貞陽侯僭位以哲爲通直散騎常侍侍東宮敬帝卽位遷兼侍中高祖受命遷都官尙書豫州大中正吏部尙書出爲明威將軍晉陵太守入爲中書令世祖嗣位爲太子詹事出爲明威將軍衡陽內史秩中二千石遷長沙太守將軍加秩如故還除散騎常侍中書令廢帝卽位以本官領前將軍高宗爲錄尙書引爲侍中仁威將軍司徒左長史未拜光大元年卒時年五十九贈侍中中書監

陳書

唐馬懷素潤州丹徒人寓居江都少師事李善家貧無



燈燭晝探薪蘇夜燃讀書遂博覽經史善屬文舉進士  
又應制舉登文學優贍科拜郿尉四遷左臺監察御史  
長安中御史大夫累轉禮部員外郎充十道黜陟使懷  
素處事平恕當時稱之使還擢拜中書舍人開元初三  
遷祕書監深爲元宗所禮令與左散騎常侍褚无量同  
爲侍讀上居別館以路遠則命宮中乘馬或親自送迎  
以申師資之禮病卒年六十諡曰文

舊唐書

蕭穎士字茂挺與李華同年登進士第李林甫採其名  
欲召用之時穎士寓居廣陵母喪卽縗麻詣京師徑謁  
林甫于政事省林甫大惡之卽令斥去穎士忿乃爲伐  
增修甘泉縣志

卷十五

人物寓賢

二

櫻桃賦以刺云雖先寢而或薦豈和羹之正味嘗與李  
華陸據同遊洛南龍門三人共讀路側古碑穎士一閱  
卽能誦之是時外夷亦知穎士之名新羅使入朝言國  
人願蕭夫子爲師其名動華夷若此終以誕傲褊忿困  
躓而卒

同上

竇常字中行其先扶風人結廬廣陵不苟調用講學著書  
凡二十年不就王武俊辟杜佑奏授校書郎充淮南參  
謀官元和六年自湖南判官擢侍御史轉水部員外郎  
歷朗夔江撫四州刺史入爲國子祭酒致仕卒年七十  
贈越州都督子宏餘會昌中爲黃州刺史

宏簡錄



楊嗣復字繼之僕射於陵子也於陵爲潤州句容尉秩滿寓居揚州生嗣復浙西觀察使韓滉見之撫其首曰名位果踰於父楊門之慶也因字曰慶門七八歲已能爲文年二十進士擢第二十一又登博學宏詞科釋褐祕書省校書郎遷右拾遺直史館以嗣復深於禮學改太常博士開成二年歷仕戶部侍郎領諸道鹽鐵轉運使三年以本官同平章事領使如故進加門下侍郎武宗立李德裕自淮南入輔政出嗣復爲湖南觀察使明年再貶潮州刺史宣宗卽位徵拜吏部尙書至岳州卒贈左僕射諡曰孝穆

舊唐書

增修甘泉縣志

卷十五

人物寓賢

三

南唐遊簡言字敏中父恭仕吳知制誥卒於任簡言因傲居廣陵少孤力學以薦入徐知誥幕府齊國建職內史舍人一時典冊皆出其手筆知誥代吳擢翰林學士及南唐主璟立晉禮部侍郎獨不附權要事非其任者未嘗肯言璟重其爲人命判中書省兼吏兵二部選事裁抑僥倖吳越攻常州執團練使趙仁澤歸錢唐仁澤不屈吳越王決其口至耳議遣使詰責羣臣畏懾莫敢往璟乃命簡言簡言不辭未出境召還璟命簡言輔太子力辭嘉其無徼後福意後主亦由是賢之拜吏部尙書親治簿書督責嚴峻人或以事請托必固違拂以左



僕射兼門下侍郎平章事卒諡宣靖 十國春秋

宋蘇紳字儀甫泉州晉江人進士及第歷宜復安三州推官改大理寺丞母喪寓揚州州將盛度以文學自負見其文大驚自以爲不及由是知名再遷太常博士舉賢良方正科擢尚書祠部員外郎進史館修撰擢知制誥入翰林爲學士累官侍讀學士集賢殿修撰知河陽

徙河中卒 宋史

孫侔字少述初名處字正之世吳興人父及仕尚書都官員外郎簡州倅侔方四歲從其母胡氏家揚州母親教之侔雖幼已惕然能自傷其孤悲泣力學七歲能屬

增修甘泉縣志 卷十五 人物寓賢 四

文旣長讀書精識元解能得聖人深意多所論撰皇祐間與臨川王安石南豐曾鞏遊知名江淮侔內行峭潔少許可不妄喜笑所居人罕識其面非其人造門弗見雖鄰不與之通詩文嚴勁簡古卓然一出于己自成法度如其爲人嘗舉進士不中母病且革頗恨不及見其仕侔嗚咽自誓林下終身不求仕進葬其親蘇州之陽山廬墓終喪久之親友勸復舉進士皆不聽從其兄觀往來南方兄卒客居吳門徙吳興丹陽又徙眞州平日閉門讀書鼓琴自娛體素羸喜親方書治藥餌未嘗傳經教授而學者聞其風旨多所開悟累爲當路者舉辟



皆不就劉敞知揚州論其賢以爲居則孝弟仕則忠信  
足以矯俗而不詭俗以干譽足以扶世而不偶世以自  
用求之朝廷呂公著王安石之流也侔初罷舉進士窮  
無所歸天章閣待制王鼎以女妻之世多稱鼎爲好賢  
侔自奉儉約家人化之然以病日必肉食妻子相對蔬  
茹而已閨門之中雍雍如也元豐三年除通直郎致仕  
卒有詩四千篇雜文三百篇兄觀亦有學行官至太常

博士

嘉靖維揚志

俞紫芝字秀老金華人流寓揚州少有高行不娶得浮  
屠心法所至翛然而工于作詩王荆公居鍾山秀老數

增修甘泉縣志

卷十五

人物寓賢

五

相往來尤愛重之每見於詩所謂公詩何以解人愁初  
日芙蓉映碧流未怕元劉□獨步不妨陶謝與同遊者  
是也秀老嘗有夜深童子喚不起猛虎一聲山月高之  
句尤爲荆公所亟賞和云新詩比舊仍增峭若許追攀  
莫太高秀老卒于元祐初惜時無發明之者不得與林  
和靖一流概見於隱逸其弟澹字清老亦不娶滑稽善  
諧謔洞曉音律能歌荆公亦喜之晚年作漁家傲等樂  
府數闕每山行卽使澹歌之然澹使酒好罵不若秀老  
之介靜一日見公云吾欲去爲浮屠但貧無錢買祠部  
爾公欣然爲置祠部澹約日祝髮旣過期寂無耗公問



其然澹徐曰吾思僧亦不易爲公所贈祠部已送酒家  
償舊債矣公爲之大笑

石林詩話

趙訓之字誨道秦悼王之五世孫父叔侯訓之登政和  
二年進士調東平儀曹知平江府吳縣朱勔怙勢役州  
縣訓之不爲屈勔嘗執數輩詣縣請治訓之悉縱之忤  
勔遂移疾去宣和末盜起河北訓之屢與人言契丹舊  
盟未可渝金人新好未可恃未幾金人犯京師訓之居  
揚州率大姓募士勤王聞都城失守乃止建炎三年知  
吉州永豐縣孟太后避地處州護衛統制杜彥與其麾  
下叛楊士雄應之將犯永豐訓之與尉陳自仁簡其兵

增修甘泉縣志

卷十五

人物寓賢

六

爲二一取間道遶賊後一據地利匿其精兵以誘之賊  
至伏發殲其眾會賊別校繼至官兵未成列訓之率數  
十輩拒戰厲聲罵賊與自仁俱被害事聞詔贈朝散郎  
直祕閣謚忠果自仁通直郎官其子邑人爲立祠

宋史

金應者性少剛知義爲文天祥職書司入京補承信郎  
天祥奉使被執左右皆散應獨無畔志及脫走鎮江至  
淮東以憂憤死焉

宋史

元張翥字仲舉晉甯人少負才雋豪放不羈一旦翻然  
易業閉門讀書留杭從仇遠先生學以詩文知名薄遊  
維揚居久之學者及門甚眾至正末傅巖起薦翥隱逸



召爲國子助教尋退居淮東會朝廷修遼金宋三史起  
爲翰林學士國子院編修官仕至河南行省平章政事  
仍翰林學士承旨致仕卒年八十二

元史

李茂大名人徙家揚州父興壽臨卒語茂曰吾病且死  
爾善事母茂泣受命奉母孟氏益謹母嘗病目失明茂  
禱于泰山三年復明又每夕祝天乞損已年益母壽孟  
氏竟年八十四而歿居喪哀慟聞者傷之大德九年揚  
州再火延燒千餘家及茂廬皆風返而滅事聞旌之上同  
張緝字士明益都膠州人性孝友能詩文至正七年與  
兄紳弟經同領鄉薦由澤州儒學正轉泰州幕職棄之  
增修甘泉縣志

卷十五

人物寓賢

七

養親居揚州十五年揚州亂緝母姬氏方臥病賊突入  
臥內舉槍欲刺姬緝以身蔽姬槍中緝脇三日而死

續志考正前已入選舉目內不應又入流寓

蘇大年字昌齡眞定人居揚州工八分行書至正間上  
書於朝官翰林編修著作甚多自號西坡

姓譜

王安義開封人楊達彰德人俱世役鎮南王藩邸寓居  
揚州張鑑陷揚逐鎮南王北行二人赴難至新城弔橋  
遇關吉二劫盜達被執安義獨詣求解並執之欲殺二  
人二人爭死久之關之妻強爲勸救遂俱得釋

萬應縣志

明王伯純河東人寓居揚州有別墅近邵伯鎮常讀書



於中輕財好客誼侔古人且才甚高長於詩後領河東鄉薦

翠屏集

續志考正卽前選舉辟薦中之王嘏誤作兩人

楊訓文字克明潼川人元淮海書院山長遇亂遂居江都吳元年徵爲起居注兩遷左司郎中洪武三年官禮部尙書四年改戶部出參政河南五年卒

列朝詩集小傳

高宗本字茂卿其先保定雄縣人洪武初自鳳陽占籍太倉之鎮海衛公始讀書起家領景泰癸酉南畿鄉薦登進士授河南道御史巡視中都倉糧廉武官之强悍侵漁官廩者寘之法由是豪右斂迹未幾奉勅清理四

增修甘泉縣志

卷十五

人物寓賢

八

川軍伍摘其匿漏者四千六百有奇及監軍討亂賊暨奉勅整飭甯夏等三邊軍務劾征虜將軍李杲行師不律杲竟坐免以勞績陞河南按察司副使莅政勤敏獄多平反人皆德之尋以老歸於江都遂家焉自號江淮逸叟肆意詩文徵請者無虛日郡大夫延修維揚新志若干卷所著有復齋稿江淮雜稿卒葬揚州

嘉靖維揚志

朱世賢字用賓世居山東臨清州累官至少卿剛直不事權貴萬厯初以病乞休依其中表夏氏家于廣陵捐千金以築新城值郡水患復出千金以備賑晚營別墅扁曰小桃源孫珏以畫名

同上



王璠字廷瑞陝西人成化甲戌進士累官山西布政使參議時劉瑾專橫縉紳喪氣璠性耿介不能屈因罷職僑居江都子延祀中應天辛卯鄉試知單縣未幾亦致政還父子俱有廉吏名

同上

張齊字聖甫長安人原籍興化嘉靖壬子中陝西鄉試己未成進士除真定府推官以治行卓茂召爲戶科給事中陞光祿寺丞會大學士高拱罷論者以齊爲拱所取士併放還齊復家揚州晚習爲詩歌書法宋趙孟頫爲園城西雜蒔花竹與名流談文藝竟日不倦後貧三徙其家去華就樸處之怡然

康熙府志

增修甘泉縣志

卷十五

人物寓賢

九

鄒應龍字雲卿陝西蘭州人其父賈揚州遂家焉初名貫補揚郡弟子員尋還蘭州易名中嘉靖乙卯陝西鄉試登丙辰進士由行人擢廣西道御史劾相嵩及其子世蕃欺罔不法事十餘條時嵩父子擅柄虐焰赫然言者輒死應龍疏上青衣待罪眾人共危之世蕃出朝盱衡大言曰何物御史不愛死而及余家事俄命嵩致仕世蕃卽訊謫戍上嘉應龍忠擢通政司參議朝宇肅清中外無不想望風采尋陞副都御史巡撫雲南至卽劾黔國公沐朝弼不法事奪爵旋以征洞獠言者謂其開釁罷還尋復原官致仕卒

同上



金大車字子有其先西域默伽國人也太祖時以歸義授鴻臚卿賜姓啟字遂爲金陵人嘉靖乙酉舉於鄉下第歸偕陳羽伯許仲貽及弟子坤從遊於顧華玉華玉慎許可極愛重子有屢上南宮不第從其婦於廣陵以旅病卒詩法襄陽隨州每搖筆執卷頃刻立就羽伯與子坤掇拾遺詩定次爲百篇

列朝詩集小傳

費經虞字仲若蜀新繁人明崇徵間舉人令昆明土司吾必奎作亂黔國公討之俘三百餘人將盡殲焉臺使者檄經虞審理皆脇從之民力請釋之俱得全活陞同知乞休歸蜀遇亂間道走秦流寓于揚所著有毛詩廣

增修甘泉縣志

卷十五

人物寓賢

十

義二十卷四書字義一卷雅倫三十卷臨池懿訓三卷註周易參同契三卷子密字此度傳其父業工詩古文所輯有弘道書十卷正紀百二十卷聖門舊章二十四卷自著詩古文詞二十二卷

同上

張恂字稚恭涇陽人先世以業鹺家江都崇徵癸未成進士恂天才雋邁肆力於詩古文詞兼工畫潑墨渲染備臻妙境

同上

王猷定字于一南昌人以古文詞自鳴流寓維揚士大夫咸推之

同上

國朝趙開心字洞門長沙人進士起家立朝嶽嶽三掌御



史臺肅然風紀歷官工部尚書卒常寓揚州等于土著子而汴孝廉官內閣中書名與吳綺埒孫永懷亦能詩卽綺之壻也

雍正府縣志

胡獻徵字存人湖廣武陵人宗伯學士統虞子也自幼奉母居揚州讀書砥行仿趙松雪爲行楷書與汪主事懋麟孫中書枝蔚爲文字交廕補兵部郎擢直隸巡道遷江蘇布政使大著聲績以病去官養疴無錫卒子期恒生長于揚舉順天由翰林官歷至甘肅巡撫仍寓揚州

楊周憲字覺山大興人進士興安令改知新建時值大

增修甘泉縣志

卷十五

人物寓賢

十一

師討三逆軍需傍午周憲辦理得宜民皆安堵擢吏科給事中晉掌印疏陳會議得失安插裁兵選擇論俸乞廣進士額諸疏俱報可甲子典試江南稱得人後因病乞休僑居揚州以著書終老卒祀新建名宦

雍正府志

孫枝蔚字豹人陝西三原人幼爲諸生遭流寇與其鄉少年奪戈逐賊落深塹得不死乃走江都逐賈人遊三致千金三散去旣而閉戶讀經史肆力于詩古文辭名噪海內康熙己未舉博學鴻詞授中書舍人歸著有漑

堂前後續集

雍正縣志

王巖字築夫寶應人初名天祐爲諸生乃更今名專肆



力于古文辭其考古論事必引據經傳無一字假借行文根柢於班馬筋力於韓柳諸家客寓江都最久與孫枝蔚雷士俊輩最契合文場後進有執經請業者經其指授輒可名一家故遠近人士翕然稱之著有白田詩文四十卷異香集二卷

以上原志

宜興史承謙菊叢新話曰客游寓公之多無過揚州余見有一老翁客揚最久人爲稱九十觴可喜亦可悲也揚當南北之衝富盛甲於他處自縉紳學士訪舊流連適館授粲下逮山林墨客挾一伎之長者因緣栖止綿歷歲時能出其文藻以相標映地勢物力殆有適相參會者耶錄其殊異而積久者咨訪尙多未盡焉

唐建中字赤子湖北天門人康熙中編修告歸後客揚詩社方盛與胡期恆爲韓江雅集中老宿參執牛耳寄栖宛紅橋都天廟內將二十年酒闌燈炮旅況蕭然欲歸未果而卒

姚世鈺字玉裁浙江歸安人工詩古文郡人唐改堂守湖極禮重之遂游于揚性狷介詩文持體格矜重不苟應宏博試未遇久客張四科家以終張爲刻其孱守齋遺集時浙東西全謝山祖望厲太鴻鶚金冬心農陳玉



凡撰授衣章吳江王載揚藻並以盛名往來於揚酒社詩盟極一時之勝讓圃之張與街南之馬賓館逢迎殆無虛日歷十數年不替胥寓公之焯著者

趙虹字飲谷嘉定人才藻宏富搖筆雲涌寓揚多名士之游到處逢迎屏障卷軸咸得其言以爲重所作序記傳跋信手立應如夙構者然四六尤穠麗詩骯髒有氣岸沈文慤採入別裁集

鄭燮字克柔興化人乾隆丙辰進士官山東濰縣令燮工詩文詞畫在都有盛名旣謝事歸寓城北竹林寺郡中後學爭趨之又與四方才彥經過者相應和字多參增修甘泉縣志

卷十五

人物寓賢

十三

古隸作墨竹風枝露葉翛然自成蹊徑詼諧玩俗揮灑淋漓乞其辭翰者盈戶外無貧富咸得其意以去風流至今傳之

史承謙字位存宜興諸生也天才俊拔於書博觀約取不務詭奇詩文皆有體格尤精倚聲之學杜雲川太史推爲近代第一作手客揚二十餘載著有小眠詞四卷靜學齋偶志四卷愛閒齋筆記二卷青梅軒詩話二卷菊叢新話二卷揚推揚州景物雜見所著中適當玲瓏山館盛時意致蕭然自遠

徐沿字社山廣東龍川人年十八爲諸生父官淮安同



知以老乞休貧不能歸遂家於揚父與弟相繼亡授徒自給好奇愛博經史外泛濫百氏每與人論古連誦數百言無錯誤或以隱僻者難之輒衝口酌答肆力爲詩其初沉九淵而矚元冥及成則和已閒靜識者推爲正始然不肯輕出示人性踈涼無富貴貧賤一視之於義利介然也有詩集藏於家王世球爲作傳極推重之子權奇孫達尊達璋皆入籍爲諸生

楊謙字吉人號筠谷嘉定人中年游於揚善詩畫尤精篆刻得李陽冰法與一時諸名流相賡和遇意所契合輒一奏刀得之者咸以爲珍金壇史悟岡嘗敘其印譜增修甘泉縣志

卷十五

人物寓賢

十四

以爲每對玉石凝神正色無惰容無浮氣殆不得志而隱於藝者同邑周笠字牧山畫學大癡氣韻神魄宛然具體往來江淮間並老於揚謙妻姪朱烜字丙南傳其篆法爲入室弟子作梅花繁英密葉生動橫斜攜家就揚而終

吳珏字並山歙人乾隆癸未進士舉江南壬午解首闈墨膾炙一時少嘗學於溇安方朴山一變爲順時之文館於揚之延陵遂不謁選郡中爲科舉之學者翕然趨風得指授者多脫穎去尋主安定書院又移主梅花先後幾十數年詩文皆典雅宏麗邑人李道南亦以學行



爲祭酒諸生多出門下李持先正體格而珏於舉業規時適變一通一介兩家並稱盛焉以病歸遂卒

謝身灌字曉山宜興人父野臣精勾股梅定九算書中甚推重之身灌其幼子也傳家學嘗作龍尾水車不藉人牛自然引注不竭欲以之干當事下其法於農田然工費頗鉅遇有損壞鮮能修理卒不便於用久寓文選樓以終工段營造往往獨運新思出人意料通西洋奇器之法能自變化華亭沈學子極嘆其精間作山水亦不俗

蔣宗海字春農丹徒人壬申進士以中書直機務艱歸增修甘泉縣志

卷十五

人物寓賢

十五

不赴補年未逾四十也工文績學善鑒別古書揚人爭迎致就質四庫館開兩淮進書最富皆出宗海遴擇館中推其精審累主樂儀梅花書院距家僅一江終年不歸居秋聲館最久晚移寓樗園

丁臯字鶴洲丹陽人僑居甘泉工寫真隨人之妍媸老少偏側反正無不畢肖著傳真心領二卷書凡二十餘篇盧運使序之子以誠傳其業亦有名撰續心領四卷

按丁當入方技以其流寓附末

以上續志

蔣士銓字心餘江西鉛山人乾隆二十一年進士官編



修士銓以詩古文辭負海內盛名主講安定書院成就後學甚眾兼工南北曲馬曰瑄延士銓於玲瓏山館所填院本朝綴筆翰夕登瓊瑜揚人盛傳其風流文采云

擘經室集

江春字穎長號鶴亭安徽歙縣人先世僑居揚州以鹽筴起家春性警敏善屬文尤長於詩爲總商四十年

國家有大典禮及工程災賑兵河餉捐上官有所籌畫春皆指顧集事太監張鳳以銷毀金冊逋逃至揚州謁春春於杯酒閒縛之由奉宸苑卿

特賞加布政使銜好藏書廣結納文人學士咸樂與遊著有隨

增修甘泉縣志

卷十五

人物寓賢

六

月讀書樓詩集三卷從弟昉號硯農候選知府工詩詞所居紫玲瓏閣一時文讌之盛稱二江家云昉著有晴綺軒詩若干卷練溪漁唱詞二卷

擘經室續集

陳章字竹町浙江錢塘人精於詩尤工楷法作詩文雖屬稿不作行書乾隆閒舉鴻博因親老力辭不就僑居揚州因就馬氏聘遂家焉時壇坫甚盛同人唱和章咸與焉詩載韓江雅集著有孟晉齋詩集二十四卷文集二卷弟臯字對鷗亦工詩時有二陳之目比之二應二謝著有吾盡吾意齋詞集對鷗閣漫語

吳錫麒字穀人浙江錢塘人乾隆三十九年舉人四十



年進士授編修兩充會試同考官補右春坊右贊善  
上書房行走轉侍講侍讀升國子監祭酒性至孝以親年  
八旬乞養歸里主講安定樂儀兩書院所拔多績學礪  
品之士天資超邁耽吟詠至老不倦著有有正味齋全  
集七十三卷及詩賦各體藝林奉爲圭臬卒年七十三  
子清臯嘉慶十八年舉人官江西撫州知府清鵬另有  
傳

谷際岐字西阿雲南趙州人乾隆四十二年進士改庶  
吉士授檢討升禮科給事中言事鐫級補刑部員外郎  
保送知府引疾後主講揚州之孝廉會文堂其學以自  
增修甘泉縣志

卷十五

人物寓賢

七

守爲本有用爲宗生徒進問者惟言熟讀宋五子書反  
質諸身之所行而已客揚州五年諸生有負笈數千里  
來者後卒於樗園其殯也生徒素衣執紼異聲同歎

傳略

洪梧字桐生安徽歙縣人乾隆五十五年進士改庶吉  
士授編修任山東沂州府知府解組後主講梅花書院  
又與郡人結詩會編有韓江酬唱集

家傳

凌廷堪字次仲安徽歙縣人少遊揚州適全椒金兆燕  
以進士爲揚州府學教授開設壇坫落筆如飛卽著棕  
亭詩文鈔者也遇於小玲瓏山館目爲曠代奇才時阮  
文達公尙應童子試與廷堪以問學相長各期束身修



行廷堪擬李白大鵬賦以見意與同人詩酒往來極一時友朋之樂乾隆五十五年成進士改授知縣選甯國府教授廷堪博覽強記識力精卓貫通羣經尤深於禮其禮經釋例卽寓揚州時所著也

吳鼐字山尊安徽全椒人嘉慶四年進士入翰林洊升侍講學士少爲朱文正公所激賞謂合邱遲任昉爲一手駢體文沈博絕麗詩以孟韓皮陸爲宗五言長古尤足推倒一世主講梅花安定書院最久同時全椒舉人金望欣字喁谷工詞賦寓居揚州亦最久

姚配中字仲虞安徽旌德縣人諸生博覽經史尤嗜易增修甘泉縣志

卷十五

人物寓賢

六

客揚州五年著有周易姚氏學十卷琴學二卷

傳略

徐培深字松泉貴州石阡人嘉慶二十二年進士官御史數言事直聲振天下後乞病客居揚州主講梅花書院有年嘗自號梅花主人平日講學不立門戶大旨以敦品力學爲宗揚州南北一大都會四方人士游學於此咸傾心引納之以故戶外之屨常滿素工書得晉唐人宗法老益迺整咸豐三年揚州失陷移寓泰州年且八十矣自以遭時喪亂貧不能歸遂嬰疾死所著詩文若干卷身後遺稿散佚時共惜之

傳略

朱駿聲字豐芑蘇州吳縣人嘉慶二十三年舉人就館



揚州謝氏最久值文匯閣曝書往讀未見之籍有得卽錄之大挑選旌德縣訓導丁艱後選黟縣訓導著經義數十種尤邃於許氏說文有說文通訓定聲三十二卷嗣升揚州府學教授因風痺乞解官卒年七十一

行狀

梅曾亮字伯言江甯上元人道光二年進士官戶部郎中古文紹姚姬傳之緒詩天機清妙皆為同人推服告

歸後主講梅花書院著有柏硯山房集

傳略

程鼎調字梅谷安徽歙縣人生而敦敏幼研經史為文高潔嗜算學好讀孫吳書旁及岐黃之學屢試不售改習鹺業生平篤行孝友著有梅谷叢談十卷習醫明鏡

增修甘泉縣志

卷十五

人物寓賢

十九

六卷配命錄二卷卒年四十九子葆原名官堡字鎮北幼失怙出繼族叔入儀徵縣籍道光八年舉人十三年進士會試後改歸原籍官工部虞衡司主事升郎中授廣東肇慶府知府咸豐五年赴任過浙江奏留襄辦徽州防務事竣仍僑居杭州十年粵賊陷城全家殉難陳立字卓人江甯句容人隨父客揚州道光十四年舉人二十一年進士改庶吉士補刑部主事升員外郎授雲南曲靖府知府未赴任生平甘淡泊恥干謁與人交懇款惻怛客揚州久師門誼最篤交游亦多著有公羊傳義疏白虎通疏證爾雅舊注說文諧聲孳生述句溪



雜著五卷

述行

許宗衡初名鯤字海秋江蘇上元人咸豐二年進士由庶常改官內閣中書終起居注主事幼孤得力母教內行最篤賦性豪邁時流露於詩酒閒族人業齷於揚延以課讀往來於揚州最久其詩縱橫跌宕古文尤倜儻俶詭似胸中有奇氣不可遏鬱者著有拳峯館詩鈔玉

井山館文集

府續志

秦芝庭字梧梅浙江人道光年間蒞上官司任善畫工詩兼精青鳥術言每有中公餘卽以筆墨自遣每值花月良辰春秋佳日常與集中林堅園大令林春卿布衣增修甘泉縣志

卷十五

人物寓賢

三

何又軒茂才余復初俊秀及方外秋水飲酒賦詩互相酬唱儒吏風雅雖古之江敦孟郊不過是也著有述懷詩清新逸秀逼近唐音

唐守道廣西靈川人道光甲辰進士咸豐閒署甘泉縣事勤政愛民待士以禮乞養後貧不能歸奉母居丁溝鎮授徒自給士爭師之教人尤以勵行爲急

吳清鵬字笏庵浙江錢塘人錫麒子嘉慶二十二年一甲第三名進士官順天府府丞解組後主講樂儀書院晚年卜居公道橋閉戶著書年六十卒子安業道光乙未舉人博覽經史兼善岐黃建存濟堂施捨膏藥居道



橋終年足蹟不入城市遠近貧病無力醫藥賴吳生活者以千百計著有理淪駢文略言四卷行世

鄧石如字完白安徽懷甯人布衣書法直入二王之室篆隸宗漢魏尤工石刻後人尊其法曰鄧派早年來揚州人鮮知者迨遊京師名旣振復客揚州求書者幾接踵焉富商大賈咸以不得爲憾歿後零縑殘墨當世寶之包世臣論本朝書品以石如爲神品一人分篆草書爲妙品上一人子傳密字守之能世其家學

包世臣字脊伯安徽涇縣人嘉慶戊辰科舉人江西大挑知縣以性耽風雅去官書法宗二王晚年得衛夫人

增修甘泉縣志

卷十五

人物寓賢

三

法學益進客揚州時受其學者有楊亮梅植之吳熙載皆名重一時世臣於學無所不窺著有齊民四術中衢一勺管情三義菰舟雙楫行世子家丞拔貢生任宿遷知縣亦善書

阮鴻字北渚附貢生居揚郡父金堂有痰嗽疾鴻侍奉湯藥衣不解帶以孝聞文達公視學山東浙江延請衡文公正明察惟鴻是賴道光元年薦舉孝廉方正辭不受好學賦詩湖山怡性自號蟄室老人著有蟄室詩集山左筆記卒年八十四子三克先克歸公道橋

劉從祀字宏興太學生鎮江籍移居楊獸壩杜門怡養



心慈性直處宗族鄉黨閒戒詐虞而矢渾厚曾孫元楫  
庠生

以上新增

附錄 咸豐年間揚城三次失陷流寓殉難者甚多  
問有已入事略者今據各案卷及採訪所得

附編  
於此

歲貢生候選訓導姚宗木

山陰人字半林僑居揚郡續  
學敦品著有詞隱生新樂府

四卷近唐人小令詩二卷咸豐三年城陷時年已  
七十餘與子監生孝懋同罵賊死妻程氏亦遇害 附貢

生候選訓導鍾兆熊

元和人率勇 八品銜陶瀚 仁和人  
巷戰被害

害 八品銜江洪作

旌德人絕粒死戚范楊 從九品章春  
氏同女大姑並絕粒死

生 會稽人與妻王氏子文太  
僕婦陶李氏俱被傷殞命

從九品銜呂瑞堂 山陰人  
與母陳

增修甘泉縣志

卷十五

人物寓賢

三

氏妻金氏弟炳堂子增祿又子  
女四人一門九口同時殉難

從九品銜劉振奎 廬州人全

同殉難 九品銜徐樹本

安東人同妻陳氏僕  
婦王氏俱絕粒死 職員嚴庸

仁和人與妾  
徐氏同被殺

職員陳廷錦

蘭谿人絕粒死 職員余瀛 徽州人諸

生顧灃

上元人與弟諸生灃  
姪玉成並絕粒死

諸生桂楨 句容人與姪  
常絕粒死 袁

正進

丹陽人與嫂史氏次女許袁氏幼女四姑孫女貴貞  
秀馥長婦韓氏次女許袁氏幼女四姑孫女貴貞

俱絕粒死妻朱氏  
長女秦袁氏被殺

諸生徐燧 錢塘人少傅文穆公本之  
會孫城陷自縊死妻吳氏

弟煥弟婦諸氏  
子壇俱絕粒死

童文進 大興人與長子諸生桂次子復  
桂俱被殺妻朱氏女二姑絕粒

死 諸生徐木生

錢塘人與妻吳氏俱被戕死弟婦  
諸氏子杏樓僕婦張氏俱自縊死 諸生

徐義芳

山陰人  
被害

廩監生曹籥

丹徒人與妻  
朱氏絕粒死 監生嵇榮培

無錫人字藥園能詩大學士  
文恭公璜之孫舉家自縊死

監生朱建堂

無錫人與子  
昌子婦姚氏



並絕 監生郭玳 丹徒人與妻李氏 監生吳楫 歙縣人與

照女秀姑子婦洪氏孫元壽 監生謝珏 餘姚人與妾喬

孫女玉姑桂姑並絕粒死 監生馮文吉 浙江人與妻王氏子德基茂基

俱絕粒死 監生李國來 溧水人 監生王東山 丹徒人 監

生程惠葑 安東人 監生何榮棣 大興人 罵 監生徐榮春

餘姚人 監生周雋 貴池人 陳書禾 會稽人 罵賊被殺妻

絕粒死 姑新姑同時被殺 女 邵荻漁 山陰人 游幕江都與 鄒錫

大姑二姑自縊死 炎 丹徒 李雲裳 江甯人 與鄒錫炎投書大營 文章陳元

桂元和人絕粒死 陳建初 無錫人 城陷不食死 子志忠

陳瑞雲 天長人 與母節婦 蔣蔭淇 丹徒人 與母孫氏弟

增修甘泉縣志 卷十五 人物寓賢 三

絕粒 夏志純 丹徒人 投水死 生母劉氏叔 譚大生 和

人與妻鄭氏子婦 唐錦榮 常州人 絕粒死 妻吳氏被 程

朱氏俱絕粒死 丙昌 無錫人 鄭基富 嘉興人 罵 民人 鄔聖瑞 上虞人 絕

謹被 劉某 旌德人 絕粒死 子 謝方喜 溧水人 與姪 丁遐

齡上元人 與姪慶保 絕粒死 弟 汪永祥 全椒人 被刃

縊子某女大 嚴茂虎 丹徒人 被殺 妻某氏 自縊 子 嚴治

姑絕粒死 祥 丹徒人 被殺 弟 楊承祖 如臯人 絕粒死 鄭致和 歙縣

殺 劉泮元 旌德人 江文輅 歙縣 任錦祥 旌德 張益齋 山西

周廷琮 餘姚人 左萬忠 濟南人 朱洪裕 丹徒人 以 汪大珩

丹徒人 被賊斫 朱塚 吳縣人 陳朗山 蘭谿人 俞士儼 仁

折右臂 絕粒死



人與妻某氏俱絕粒死妻之姑母孫文學  
某氏妻之姪婦某氏寄居其家亦絕粒死  
瓦木工為業為文童黃耀龍守汪茂堂  
屋賊脅入館不肯行遂絕粒死  
楊永齡鎮江人自絕粒死楊端堂  
楊永齡鎮江人自絕粒死楊端堂  
春霆淮安劉子珊紹興饒直庭歙縣  
陳炳桁慈谿江月

培歙縣袁嘉和當塗林衡齋丹徒  
沈啟盛丹徒黃有章  
歙縣黃錦中歙縣胡宏才太平王福  
六合人傭鹽知事趙壽林家被刃死  
以上

絕粒朱貴天長人傭鹽知事趙壽  
林家被刃死以上  
請郵諸生朱修吉溧水人與弟  
監生朱近山元和人監

生徐珍錢塘人罵賊被所投井死妻黃  
陳邦慶長沙人  
工文為幕府書記晚年寓揚城陷罵賊  
被剖九品銜潘

腹而死收復後家人入城殯殮面色如生  
增修甘泉縣志卷十五  
人物寓賢

琳大興人在保衛局教張文遠六合人傭於蕭姓家絕  
習技勇禦賊陣亡  
義局彙奏請卹職員余瀛徽州人絕食死  
與監生

王方丹徒人與子廷琛湯永齡丹徒人絕粒死與  
晏藝  
之丹徒人絕粒死與汪月培歙縣人絕粒死與前江月

前吳藝之似一人汪月培歙縣人絕粒死與前江月  
殉難熊石揖湖北人游幕甘泉咸候補縣丞閣金壽  
江前

都縣光涵次子罵賊被殺從九品銜鄭兆松上元人諸  
以下未詳殉難年分  
生陳道熙錢塘人諸生李登甲江甯人監生戴杏丹徒  
妻李氏妾江氏子鎮保女監生程惠豐安東人被殺與

領弟一家五口積薪自焚  
存之並王日華上元人監生朱均蘇州人監生吳廷楫  
歙縣人洪煦歙縣人謀為內應書被賊獲賊而  
呂長祥旌

絕粒死  
洪煦歙縣人謀為內應書被賊獲賊而  
呂長祥旌



人以書投大營請兵破城被賊搜出  
 分屍兩半一釘天甯門一釘便益門  
 文童臧椿桂丹徒人自  
 焚文童曹照天長人民人孫守源蘇州人罵賊被害  
 壽亭紹興人與妻吳香輪徽州人與妻許氏方冠瀛桐  
 人被韓升常州人與子竹李敬業休甯人自此張順  
 害休甯人張晉藩丹徒人錢子珊紹興人劉祝三丹徒人鄔文祥  
 餘姚茅積庵丹徒人眭同年丹陽人眭慶丹陽人張啟海丹徒  
 自熊石揖至  
 此皆新採

右府續志原文載入流寓內茲仍依類附錄於此



方伎

漢吳普廣陵人從華佗學普依準佗療治多所全濟佗語普曰人體欲得勞動但不當使極爾動搖則穀氣得消血脉流通病不能生譬猶戶樞終不朽也是以古之仙者爲導引之事熊頸鴟顧引輓腰體動諸關節以求難老吾有一術名五禽之戲一曰虎二曰鹿三曰熊四曰猿五曰鳥亦以除疾並利蹄足以當導引體有不快起作一禽之戲怡而汗出因以著粉身體輕便腹中欲食普施行之年九十餘耳目聰明齒牙完堅

後漢書華佗傳

萬歷府志尙載吳術士趙達謂達爲廣陵人

增修甘泉縣志

卷十五

方伎

一

按三國志趙達傳達河南人少從漢侍中單甫受學謂東南有王者氣可以避難故脫身渡江治九宮一算之術至吳主傳黃初三年註魏文帝觀兵廣陵吳人大駭權令趙達算之曰曹丕走矣然吳衰庚子歲云云萬歷志所載事想本於此其以達爲廣陵人竟不知何據今考正刪去

隋法喜平素說吉凶之徵有如影響煬帝招之至揚州宮中樹一堂新成喜匆匆升堂觀覽俄驚走下堦曰幾乎壓殺其夜大雨堂崩

續高僧傳互見仙釋



唐來恒廣陵人護兒子擢進士第坐褚遂良事貶庭州  
刺史與弟濟皆以能書名時虞世南子昶無才術歷將  
作少監故陸元方曰來護兒兒把筆虞世南男帶刀寶蒙  
述書  
賦註

續志考正來恒濟兄也會相唐高宗不應入方伎  
王嗣宗唐秘書少監紹宗兄善書書斷

薛滿揚州人李龜年至岐王宅聞琴曰此秦聲良久曰  
此楚聲主人入問之則前彈者隴西沈妍後彈者揚州  
薛滿也然藜餘筆

廣陵曹參軍李湊揮毫造化動筆合真子女衣服萬品  
增修甘泉縣志 卷十五 方伎 二

千門筋脉連帶形狀奇絕天寶年中過之古人後畫錄

譚簡工醫術相國崔公慎由廉察浙西左目眚生贅疣  
如息肉欲蔽瞳神視物極礙諸醫方無驗一日淮南判  
官楊員外牧自吳中赴職召饌于中堂因話揚州有穆  
中善醫眼爲我白府主崔相國鉉致之楊君許諾後數  
日得書云穆生性麤疎恐不可信有譚簡者用心精審  
勝穆遠甚遂致以來既見白崔公曰此立可去但能安  
神不撓獨斷于中則必効矣崔公曰如約譚簡又曰須  
用九日晴明亭午于靜處療之若其日果能遂心更無  
憂矣是時月初也至六七日間忽陰雨甚譚生有憂色



至九日天大開霽問崔公飲酒多少崔公曰量雖至小亦可引滿譚生大喜初公將決意用譚之醫惟語大將中善醫者沈師象師象贊成其事是日引譚生於使驛北樓惟師象與一小豎侍行左右更無人知者譚生請公飲酒數盃端坐無思俄而譚生以手微捫所患曰殊小事耳又覺以手拔之雖痛亦忍又聞動剪刀聲白公曰此地稍暗請移坐中庭師象與小豎扶公而至於庭坐既定聞櫛焉有聲先是譚生請好綿數兩染紅至是以紅綿拭病處兼傅以藥遂不甚痛譚生請公開眼看所贅肉大如小指堅如乾筋遂命投之江中譚生立以

增修甘泉縣志

卷十五

方伎

三

狀報淮南崔相國復書云自發醫後憂疑頗甚及聞痊愈神思方安後數日而徵詔至金陵

因話錄

石旻有奇術在揚州段成式不隔旬與之相見言事十不一中家人頭痛噎咳者服其藥未嘗効也至開成初在城親故往往說石旻術不可測寶厯中石隨錢徽尙書至湖州嘗在學院子弟皆以丈呼之於錢氏兄弟求兔湯餅時暑月獵師數日方獲因與子弟共食笑曰可留兔皮聊志一事遂訂皮於地壘塹塗之上朱書一符獨言曰恨校遲恨校遲錢氏兄弟與語之石曰欲共諸君共記卯年也至太和九年錢可復鳳翔遇害歲在乙



史白廣陵人仕諫議大夫善飛白

書苑菁華

史浩字惟則白子官至殿中侍御史籀篆八分如王公大人進退有度呂總評浩書謂如雁足印沙深淵躍鯉

書史會要

寶眾述書賦云史侍御惟則筆優世業階乎籀篆古今折衷大小應變如因高而矚遠俯川陸而必見

李含光廣陵人孝感之子少工篆籀而隸書尤精客嘗賞之謂賢於其父因投筆不書平生所著有本草音釋

二卷老莊周易學記義畧各三篇內學記二篇道學傳

增修甘泉縣志

卷十五

方伎

四

二十卷

神仙通鑑

續志考正又入仙釋

李該廣陵人呂溫地志圖序云廣陵李該博達士也學

無不通尤好地理乃裂素為方儀據書而畫命之曰地

志圖觀其粉散百川黛凝羣山元氣剖判成乎筆端

文苑

英華

續志考正已見文苑內

陳庶揚州人師邊鸞花鳥尤善布色

圖繪寶鑑補遺

石藏用廣陵人仕唐為羽林大將軍明于歷數嘗謂家人曰天下將有事而蜀為最安處乃去依其親眉州刺



史李隔遂家焉石揚休其後也

萬曆縣志

錢亮江淮布衣也人皆稱爲錢處士天祐中寓居昇州  
宿楊姓家中夜忽起曰地下兵馬相鬪云接令公聒我  
不得眠人莫之測明日徐溫至金陵時無有豫知者又  
語人曰金陵王氣復興當有申生子應運於此及徐知  
誥爲昇州刺史亮謁之退謂左右曰建業之地復興帝  
業後溫徒知誥於潤因廣修廨署潤布城隍期已當之  
亮曰此故修道主也至南唐禪代先主實生于戊申與  
亮言合封亮爲霸國先生時有圖亮之貌者亮見曰吾  
反不若此嘗對聖人未幾一僧取圖置誌公塔中已而

增修甘泉縣志

卷十五

方伎

五

南唐先主復取入宮陳於內寢其言遂驗亮又善爲讖  
語說將來事末年言李氏之祚曰髣髴之間倍蓋楊氏  
有淮南四十六年而李氏三十九年髣髴不遠也或謂  
楊氏自改元至易姓止二十年故云倍之耳

十國春秋

江淮間有術士姓吳者某將赴宏詞科謁之術士曰公  
頭上燄光高二必登高第後果然

山堂肆考

淮南畫工者失其姓名晉王李克用之有河東也太祖  
恨不識其狀貌密使畫工詐爲商人入其境寫之及至  
河東有發其謀者擒之晉王初甚怒旣而謂曰吾素眇  
一目試召使圖之觀其所爲何如俄畫工至晉王按膝



厲聲曰淮南使汝來繪吾真必畫家之尤也寫吾不及十分皆下卽汝畢命地矣畫工再拜下筆時方盛暑晉王執八角扇因寫扇以半障其面晉王曰是諂吾也遽使別圖之又應聲下筆繪其背弓撚箭之狀仍微合一目以審箭之曲直晉王大喜厚賂金帛而還

同上

潘辰往來江淮間自稱野客常依海州刺史鄭匡國不甚見禮館之馬廄旁一日從匡國獵近郊匡國妻行至廄中因視辰所居四壁蕭然葦席竹筥而已發筥覩二錫丸亦頗怪之辰歸大驚曰何物婦人觸吾劍賴吾攝其光芒不然身首殊矣或以告匡國悚然曰殆劍客也

增修甘泉縣志

卷十五

方伎

六

求學其術辰曰姑一試之乃俱至靜院探懷出二錫丸置掌中俄而氣出指端如二白虹旋繞匡國頸有聲錚然匡國汗下如雨曰先生之術神矣觀止矣辰笑引手收之復爲錫丸匡國表薦於烈祖召居紫極宮數年卒

陸游南唐書

申漸高不知何地人事睿帝爲樂工常吹三孔笛賣藥于廣陵市乾貞時按籍編括而關司斂率尤繁商人苦之會都城亢旱中書令徐知誥謂左右曰近郊頗得雨何也得非刑獄有寃乎漸高作諧語進曰雨畏抽稅不敢入京耳知誥大笑明日下教弛額外稅信宿大雨霑



洽太和中知誥與弟知詢不相能一日手金卮引鵠賜知詢曰願弟壽千歲知詢心疑之取它器均酒之半跽進曰兄分享五百歲知誥色變左右莫知所從漸高舞袖升堂掠二酒併飲之金卮趨出知誥密遣人以良藥解之已腦潰卒十國春秋

宋陳偕淮南廣陵人家故饒富財而與其弟獨喜學畫其後伎日以進家日以微遂以爲業士大夫旣喜其畫且愛其爲人往往稱之然非偕之好也其言曰予從事於茲有年矣凡古今之畫雖敝縑裂素之餘未嘗不學一不可於意輒復易之砥筆濡墨欣然忘勞蓋是時余

增修甘泉縣志

卷十五

方伎

七

方以畫爲事固其勢不得不然乃今思之亦良苦矣且物之有形如浮埃聚沫來無所從去無所詣一興一僨於無窮之中而我汨汨然隨而畫之豈不惑歟顧家貧無以給衣食聊復俛仰於其間至于得失精粗不復經意也淮海集

東坡嘗贈偕畫雁詩云君從何處看得此無人態又云作書問陳子曉景畫茗雪

陳直躬偕子能世其業嘗曰昔宋元君時畫圖有一吏解衣槃礴元君曰是真畫者也夫解衣槃礴固侗儻之所得閒暇之所好也元君乃以爲其畫其意安在有得



於此然後可以言畫

同上

鄒放淮海人善醫宋秦觀贈詩曰百工皆聖作惟醫有書傳緒餘起人死妙處實通天鄒子本淮海弱齡加討研岐扁逢卷中遂知百病先往歲遊京室公侯紛薦延國工不敢妬遣兒求執鞭晚棄本州役青衫鬢蕭然臨衢開大肆旁午送金錢嗣子頗不凡文場早周旋行期拾青紫善積神所憐

同上

衛朴淮海人精于厯術一行之流也春秋日蝕三十六諸厯通驗密者不過得十六七唯一行得二十七朴乃得三十五唯莊公十八年一蝕今古算皆不入蝕法疑

增修甘泉縣志

卷十五

方伎

八

前史誤耳自夏仲康五年癸巳歲至熙甯六年癸丑凡三千二百一年書傳所載日蝕凡四百七十五眾厯攷驗雖各有得失而朴所得爲多朴能不用算推古今日月蝕但口誦乘除不差一算

妙應方相法入神高宗駐維揚張魏公俊居臺院應方館其家一日歸自外云適見城中人有死氣者什七八不應如是之眾此必有虜至之兆宜早勸上渡江張素神其術因入奏上意猶欲觀燈未幾粘罕至翠峯車駕亟行城中死者果無數

萬厯府志

許叔字知可維揚人紹興三年進士第六人以藥餌陰



功見於夢寐事載夷堅志晚歲以生平已驗成方并記其事實作本事方十卷

文獻通考

續志考正許叔微脫微字真州人

祁宰字彥輔江淮人宋季以醫術補官金破汴得之以隸太醫累遷中奉大夫太醫使

宏簡錄

本傳海陵在位宰數被賞賚常感激欲自効會將伐宋宰欲諫不得因元妃有病召往診視既入見卽上疏言甚激切海陵怒命戮於市世宗卽位贈資政大夫復其田宅章宗詔官其子忠勇校尉平定州酒監太和初詔定功臣諡有司拘文以職非三品不在議

增修甘泉縣志

卷十五

方伎

九

諡之例尙書省掾李秉鈞上言當海陵時居高官食厚祿者皆畏罪泐忍曾不敢申一喙畫一策以爲社稷計卒使立名死節之士顧出于醫卜之流亦不可以少矣夫有非常之人當待以非常之禮乞詔有司特賜諡以旌其忠制可下太常諡曰忠毅

李灝字公渡揚州人工山水

畫法年紀

劉允文廣陵人工佛像

歷代畫姓氏韻編

王克明字彥昭以術行江淮鍼灸尤精胗脉有難療者必沉思得其要然後予之藥有非藥之過過在某事當於其事治之言無不驗後再從呂正以使金金接伴使



忽被危疾克明立起之却其謝張子蓋救海州戰士大疫克明時在軍中全活幾萬人子蓋上其功力辭克明頗知書好俠尚義常數千里赴人之急初試禮部中選累任醫官王炎宣撫四川辟克明不就炎怒劾克明避事坐貶秩後遷至額內翰林醫痊局賜金紫紹興五年卒年六十一

宏簡錄

續志考正克明宋史有傳本饒州樂平人徙湖州烏程縣以術行江淮間特偶至揚耳王炎宣撫四川在乾道五年何緣以紹興五年卒宋史云紹興乾道間名醫而又云紹興五年卒果卒于紹興五年則去乾道尚隔廿餘年宏簡錄與宋史並誤

增修甘泉縣志

卷十五

方伎

十

揚州名醫楊吉老其術甚著其郡一士人狀若有疾不名其何等病謁之楊曰君熱證已極氣血消爍且盡自此三年當以背疽死不可爲矣士人不樂而退聞親識說茅山觀中一道士於醫術通神但不肯以技自名未必爲人致力士人心計交切乃衣僮隸之服詣山拜之願得執薪水役道士喜留置弟子中誨以讀經晝夕祇事左右頤指如意歷兩月久覺其與常隸別呼扣所從來始再拜謝過以實白之道士笑曰世間那有醫不得病汝試以脉示我纔診視又笑曰汝便可下山吾亦無



藥與汝但日日買好梨一顆如生梨已盡則取乾者泡湯飲之仍食其滓此疾當自平士人歸謹如其戒經一歲復往揚州楊醫見之驚其鬚貌腴澤脉息和平謂之曰君必遇異人不然豈有痊安之理士人以告楊楊立具衣冠焚香往茅山投拜蓋自咎學之未至也夷堅志荆大聲江都人貧去鄉里貨卜于臨安以明厯入太史局厯靈臺郎終于春官大夫判太史局賜金紫姓譜

續志考正府志作高郵人

元王仲明江都人善醫平章廉希憲疾世祖召仲明治之未卽行人強之曰君能起廉相國是惠及天下也仲

增修甘泉縣志

卷十五

方伎

十一

明邁往投以一匕立愈世祖欲官之辭不就

江南通志

蕭月潭淮南人善白描道像畫之傳世者三清像三北帝像一太白像二醉眞圖二七曜像一

繪事備考

維揚王有恒避亂居東吳三十餘年所至寓舍以聽雨蓬名之多學能琴而善飲醉則鼓琴自娛自號曰醉琴謝應芳贈以詩曰昔年家住揚州市雨聲不入弦歌耳居吳聽雨三十年客舍如篷臥篷底篷窗晝暝雲抹漆滴滴點點疎復密絕似瀟湘夜泊時半雜風波響蕭瑟有時聲急如建瓴有時珠玉聲琮琤看山便作柁樓倚兩耳洗來心骨清心骨之清豈不好一點鄉心忘未了



天中玉樹無雙花夢魂日夜長飛遶只今二十四橋月  
依舊玉簫聲不絕一帆風送到瓜州聽雨孤篷聲又絕

龜巢集

王禮字禮仲揚州人篆宗張謙中

書史會要

盛昭字克明揚州人竹石師文湖州

佩文齋書畫譜

陳君佐宿州人居揚州山水師馬遠夏圭墨戲師徽廟

圖繪寶鑑

鄧學可維揚人留心翰墨有聲於時

書史會要

劉漢卿郎中患牙槽風以之頷穿膿血淋漓醫皆不効  
在維揚有邱經歷妙鍼法與鍼委中及女膝穴是夕膿

增修甘泉縣志

卷十五

方伎

七

血卽止旬日後頷骨蛻去別生新者其後張師道亦患  
此證仍用此法鍼之而愈殊不可曉也邱嘗治消渴者  
遂以酒醕作湯飲之而愈皆出於意料之外

癸辛雜識

蘇大年字昌齡號西坡眞定人居揚州竹石師蘇東坡

窠木師廉宣仲

圖繪寶鑑互見寓賢

明陳君佐維揚人能醫善滑稽洪武間事上出入禁中  
上嘗呼之不名一日上問朕似前代何君君佐對曰陛  
下酷似神農上曰朕聞神農形體極異卿何以言之對  
曰陛下不似神農如何能嘗百草蓋天下未定時出軍  
與士卒皆掘草根而食上亦同其甘苦故云爾上大笑



按圖繪寶鑑所載元人與此同姓名而事蹟各異又康熙府志載明陳君佐江都人善方脉洪武初為御醫永樂間棄官着黃冠市藥武當山中以易卜人吉凶多奇中並不詳其善畫是一是二以俟考核

蜀人通真子註叔和脉經已行于世而其道未行遂歷湖漢江浙亦未有目之者及至淮之邵伯鎮旅于僧舍亦無聞于人又將轉而之他主僧聞之曰子若不設肆誰則知之市有寺屋吾給子具請試為之既而醫道大增修甘泉縣志

卷十五

方伎

行家產豐足一日主僧將化召其前來密語曰子前生在此鋪街鑿井今享此報更宜積德言訖而化

推篷寤語

蔣用文淮南人儒而精於醫初以戴原禮薦入太醫院為御醫永樂中陞院判極蒙寵異仁宗在青宮尤眷待之後公以年老卒於京師仁宗特加院使賜諡恭毅命中使護喪以歸國朝太醫院無賜諡者有諡唯公一人而已

都公談纂

續志考正用文儀真人見楊士奇東里集

楊一洲字伯海揚州人山水小幅可觀謝茂秦贈以詩有畫逼輞川工王維信可同之句

畫史會要



廣陵魏文璧號野鶴自云泛海六七日  
至蓬壺山訪異人得藥與方遊京師  
明儲懽贈詩云昇仙樓高胡不住  
回首蓬萊墮烟霧縞衣化盡帝京  
塵何年却返三株樹青精石髓  
毛骨換流水桃花人世暮鼉爲砥  
柱蜺爲梁中有飛仙往來路愛君  
小隱蕪城市傾蓋壺公卽如故  
萬金良藥到長安不羨金莖一杯  
露海波萬里秋風餘豈願得食馴  
堦除爾來貽我太古訣茫昧不是  
人間書遠遊賦罷脫身去蜉蝣起  
滅嗟紛如

柴墟文集

畫史會要

蘇詳號小泉揚州人善畫人物山水

德音建隆寺僧精數學嘗有叩門者僧呼曰東鄰某借

增修甘泉縣志

卷十五 方伎

古

鋤執出與之開門果然一日方飯有人問其父疾曰當卽愈飯畢又有人問疾曰淹久不瘥有頃又一人問疾聞厨滌器聲曰噫死矣已而皆如其言其徒詢其故曰始吾方飯飯則生理知當生旣飯則漸去食知其淹久滌器則入櫃櫃棺像也以是知其死矣

嘉靖縣志

續志考正又見仙釋內

史政揚州人能寫照

書畫史

李遴字振振江都人以畫名

畫史會要

林廣廣陵人山水人物學李在得瀟灑活動之趣

圖繪寶鑑

續纂



吳承嘉江都諸生幼孤事寡母極孝嗜古學尤研心六書自篆籀八分行楷擘窠正草靡不精妙一時隴墓碑版金石之文多出其手

萬歷府志

仰廷宣號筠石維揚人凡作山水先以水噴淨几鋪紙於上用筆點染以取烟潤之態萬歷中來豫章不甚得售乃棄去隱名市肆

畫史會要

張奇字正甫廣陵人善畫山水人物花卉兼工篆籀印章

無聲詩史

方選字以賢江都人精于醫稍有贏餘輒以給宗郇之困者嘗拾遺金子道訪其人歸之仲子新精弈有神解

增修甘泉縣志

卷十五

方伎

五

選嘗與客弈新甫六七歲置膝上觀之辟呶語選客某道瑕可攻不信客竟備不敗比收局客戲謂新曰童子知吾瑕乎吾不畏攻也新再布子如前不差一道指選攻之客大敗比卯角郡中人皆無敵手人羣訝其異王世貞過郡邀新與其客李時養弈時養者海內稱第一品也新初遜李一子翌日則已雁行矣

萬歷縣志

汪浩字小村揚州人工山水人物

無聲詩史

國朝唐志契揚州人以諸生精繪事興寄所託便齋糧遊名山水經月坐臥其下故畫筆瀟散清遠有元人風味弟志尹精花鳥得呂紀王偕之傳時稱二唐志契子曰



致補博士弟子員能世其家學 江南通志

按志契所著繪事微言頗得六法之蘊見姜

紹書無聲詩史

宗灝字開先江都人工山水 歷代畫家姓氏韻編

朱珏字二玉江都人工人物山水花草 畫法年紀

李翊如字祚銘江都人工山水 歷代畫家姓氏韻編

張翀字子羽廣陵人工人物山水花鳥 畫法年紀

桑牙字楚執揚州人工山水 歷代畫家姓氏韻編 其前傳見文苑

續志考正已見文苑內

王璽字崔里揚州人工山水蘭石 同上

增修甘泉縣志 卷十五 方伎 六

王雲字漢藻揚州人工花鳥仙山樓閣康熙間待詔畫

苑繪 南巡圖 萬壽圖

葉彌廣字博之江都人貢士善書 遺民詩小傳

續志考正已見隱逸內

李寅字白也揚州人工山水

宋曹字彬臣別號射陵淮南鹽城人官中書善書法不

應徵車遨遊江淮間晚年好養生術 同上

譚宗字公子浙江餘姚人客揚州飲李寅家值俗客至

徒坐面壁待其人去方入座善書人不如其意雖厚幣

亦卻其性然也 同上



胡春生字夏昌別字赤岸崇徵末隱於岐黃善作水墨山水寸軸萬里烟雲變態隨手出沒世爭購之著書數百篇

遺民詩小傳

查士標字二瞻休甯人居江都以書著名尤長于畫摹倪瓚得其遠神而性迂好潔亦復似之求畫者視其人可交俄頃卽應否則投以重幣強要致之終不應也流傳人間書多畫少雖片幅人爭貴之

雍正縣志

蕭晨字靈曦江都人少善讀書不習制舉工于繪事尤以人物擅長其法以取神爲上而不屑屑趨步前人所作雖粗幅亂頭皆有丰韻四方人爭購之晚好爲詩多增修甘泉縣志

卷十五

方伎

七

逸致在倪瓚沈周之間

同上

湯禾字秋穎喜稱法古人詩畫會繪香阜寺菩提樹圖進呈

御覽

江都舊志

趙有彬字岷江郡增生以文行著尤長于字畫山水墨蹟與龔半千查二瞻兩山人相頡頏四方人競購之

續志考正已見孝友內

按嘉靖萬厯府縣志康熙府縣志所載方伎不過數人雍正縣志錄十三人雖嫌疎畧已較倍前志矣今共採六十六人內載僧法善



德音二人羽士李含光蕭月潭二人方外也而工於伎卽以伎傳之錄所長也外若李湊申漸高妙應方王克明等並以術往來維揚亦一例編入猶人物之載寓賢也至如三國皇象晉戴若思唐王紹宗李邕李磻宋徐鉉並工書法書史論之詳矣顧以諸公生平梗概具詳載人物傳中不復贅述又陶宗儀書史會要載揚州人盛紹先字克振孔復貞字鳧生江都人徐尙德字仲修三人皆不詳事蹟聊爲附名於此又劉敎叔異苑載胡道洽

增修甘泉縣志

卷十五

方伎

六

者自云廣陵人好音樂醫術之事體有躁氣恒以名香自防唯忌猛犬自審死日誠其弟子曰氣絕便殯勿令狗見我尸歛畢覺棺空開看不見尸體時人咸謂狐也此事頗類妖異故亦從畧云

以上原志

文命時名二訓以字行工墨蘭瘦筆乾墨運以中鋒秀勁拔俗花藥疎朗別具神韻時令人有世外之思虞沅字畹之善花草翎毛勾染工整賦色妍雅得古人遺法

汪一元字兆初性至孝隸學官二十年矜名負氣不苟



取精算術嘗握粟以箸算凡用時憲法逆推十數年與  
臺厯脗合終於乾隆十四年四月先期預刻時日

袁江字文濤善山水尤工界畫中年得無名氏所臨古  
人畫稿遂大進嘗供奉 內廷

方士庶字循遠號小師道人本歙人家於揚畫山水得  
訣於黃尊古用筆靈敏氣韻超遠貽宕有出藍之美工  
詩與諸名流相酬唱同時有汪南鳴者亦僑揚畫極工  
嘗作江山烟雨圖名輩多題咏之與士庶並有名

程兆熊字孟飛先世歙人工書翰於大小篆八分草隸  
各盡諸家體勢而篤好虞永興波磔戈啄無不縱歛如  
增修甘泉縣志 卷十五 方伎 九  
志一時爭迎致之名園甲第匾署楣楹屏障咸待以爲  
榮兩童子夜磨墨供揮灑漏盡不休性方雅絕俗自遠  
乾隆甲申卒僅中年耳

王楠字配文邵伯人諸生工詩文於畫有神解善寫生  
自黃筌徐熙外別開生面性高介蕭然閉戶焚香煮茗  
自樂不輕爲人作故流傳殊少有得其尺幅者輒寶弄  
之

管希甯字右銘高介孤潔畫得文衡山真傳山水人物  
花卉並入工妙家貧以醫爲業人欲得其畫者不能以  
貨取雖遇晨炊不繼不顧也嘗有一顯者強索之心薄



其人堅不應幾爲所中自號金牛山人下簾閉肆蕭然  
如在塵埃之外同時交重其品尺幅流傳爭寶貴之題  
畫詩尤雅飭惜多散逸時蘇人袁慰祖字竹室性高逸  
筆意與希甯相近多作合幅人不能辨客於揚而終  
羅聘字兩峯少學詩於金冬心善畫尤工神鬼所作鬼  
趣圖海內名流題咏殆遍久客京師公卿皆禮重之同  
時薛銓字恒夫多見宋元名蹟能得其深處撫寫山水  
巖壑雄厚不屑屑於平岡淺渚雜居市中流傳頗少聘  
妻方氏名婉儀亦工詩風雅唱隨爲松江沈學子女弟  
子曾序其半格詩

增修甘泉縣志

卷十五

方伎

三

黃位字位五艾陵湖東高橋人先世習醫至位尤精其  
業預決死生十不爽一二辨陰陽虛實於疑似之間從  
張仲景傷寒百十三方外妙悟推闡又制七十二方往  
往以一劑獲神效俗有半仙之號求者絡繹相繼雖甚  
貧窶者亦應之不倦江都趙宰天爵有贈句云孺子亦  
知名下士仙人曾授枕中書蓋紀實也子兆萱郡廩生  
孫廷簡諸生

以上續志

黃紹堯字藕舟天性誠篤博覽羣書考訂鐘鼎彝器名  
畫古碑寓目能決真僞三遊京師儀徵兵部主事黃文  
耀投繯死紹堯經營含斂護喪以歸尙義之名滿都下



精於醫於近時醫家心折徐洄溪嘗屬疾夢洄溪爲之  
施鍼於肩醒而病瘥兩肩皆有黑印指紋云子龍驤字  
友鵬輕財重義鄉里稱長者姪龍祥字雲起幼績學困  
於小試從歙人羅浩遊臨證能別寒熱於疑似嘗謂人  
以元氣爲本治疾者求速愈而不顧元氣雖邀功一時  
而根本潛虧終成難治之證識者歎爲名言評校醫書  
得筆記若干卷

府續志

方奇字問之號偶荆醫名善昌世居邵伯埭精岐黃通  
經術著有修元大道三章計三卷傷寒析義四十卷百  
菊谿陳芝楣兩先生深重之先後序刊其書行於世并  
增修甘泉縣志

卷十五

方伎

三

有周易翼註四卷待梓

朱煜字滌溪邵埭人性純孝年十三喪母值歲饑自執  
炊爨以供父膳因從父業醫父好施屢空積欠纍纍父  
故後另立券與約至期悉如數償之其言行不苟類如  
此好讀書而於醫尤工道光十三年時疫盛行世醫習  
用陶氏六經治輒左煜獨用吳又可治溫疫法投劑輒  
應活人無算生平臨證無富貴貧賤靡不竭盡心力故  
治無弗應年六十二卒著有五經分類本草類方續選  
待刊子湛溪亦以醫名

劉成霖字潤時善書畫工傳真



王素字小梅工繪畫花卉鱗毛人物山水兼擅其長每作一幅極瀟灑出塵之致識者珍之年八十餘卒

許長增工醫性慷慨貧不取資富不計利所醫多神效著有痘疹形色論傷寒餘註待梓

徐嵩慶字小穀工詩畫子敬輝亦善畫尤工畫蝶嘗慕游浙省人以蝶仙呼之

夏慶之原名長發世居黃珏橋之夏家街慷慨好施精於醫學子廷松孫志潮克承先志曾孫繼昭亦以醫名著有疫喉淺論待刊

以上新增



仙釋

華子期者淮南人也師角里先生受山隱靈寶方一曰伊洛飛龜秩二曰白禹正機三曰平衡按合服之日以還少一日行五百里能舉千觔一歲十易皮後得仙去

神仙通鑑

子主者不知何處人詣江都王自言甯先生雇我客作二百餘年不得作真人以爲狂王問先生居止云在龍眉山上王遣吏上龍山巔果見先生毛身廣耳披髮鼓瑟主見之叩頭吏致王命先生曰此主是我比舍九世孫也汝勿預吾客事吏乃下山 三洞羣仙錄

增修甘泉縣志

卷十五

人物仙釋

一

按列傳載子主楚語蓋楚人也元伊世珍又載入嫫媼記舊志遂列之爲元人誤矣

朱璜廣陵人少病瘕就睢山道士阮邱醫邱曰卿除腹中三尸有真人之業可度世也璜曰病愈當爲君作客三十年不還家邱與藥令日服九九百日服下如肝脾者數斗養數十日肥健心意開朗令讀黃庭經日三遍能通其意遂與入浮陽山玉女洞且八十年白髮盡黑鬢更長三尺餘 列仙傳

按本傳有贊曰朱璜寢瘕福祚相迎真人投藥三尸俱靈心虛神瑩騰贊幽冥毛頰髮黑



超然長生

廣陵茶姥者不知姓氏晉元帝渡江後耆舊相傳見之百餘年顏狀不改每持一器茗往市鬻之市人爭買自旦至暮所賣極多而器中茶未嘗減少刺史以冒法繫之獄姥乃持所賣茗器自牖中飛去

神仙通鑑

秀英丁義君之女嘗於揚州城西七十里煉丹得道有丹井

文獻通考

史宗號麻衣道者常坐廣陵白土埭上引絳得直隨布施人江都令檀祇與語多無畔岸索紙賦詩曰有欲苦不足無欲卽無憂未若清虛者帶索被元裘浮游一州

增修甘泉縣志

卷十五

人物仙釋

二

間汎若不繫舟要當滅塵慮棲息老山邱祇異之後有一狂道士一杖一箱逼暮詣海鹽令借人隨從選一牧鴨小兒形服最醜者將去倏忽登一小山山有屋屋有道人三四輩相勞苦其言小兒一不能解但得食一甌如飴向暝道士欲辭去屋內人問道士曰君知史宗所在否其謫何時竟答曰在廣陵白土埭計其謫行當竟矣屋內人便作書授小兒曰爲達之繫小兒衣帶上令還海鹽令喜問曰衣中何有曰書疏耳又呼問小兒至何處小兒曰爲前道士捉杖飄然去但聞足下波浪聲至一山中山中人寄書與白土埭上卽引衣帶示令令



不能曉小兒歸詣史宗宗驚曰汝乃蓬萊島中來耶三洞

羣仙錄

按三洞羣仙錄引冷齋夜話有此而高僧傳亦載入蓋因陶淵明記云白埭逢三異比邱其一語然其事迹仙也非釋也今正之

府志興化縣亦載史宗白土埭事江都舊志載白土埭在今府西十八里則其地實在甘泉矣況江都令檀祇與之語則非興化更明

裴謔昔與王敬伯梁芳為方外交入山學道梁芳死敬伯調官至正元中奉使淮南邂逅裴謔維舟慰問汝何

增修甘泉縣志 卷十五

人物仙釋

三

所須謔曰吾儕野人心近雲鶴廣陵之西即吾之宅也倏然鼓櫂而去敬伯詣宅見謔衣冠偉然設宴就坐謔酒酣謂左右曰此人乃我昔山中之友道心不固將浮沉於生死海中求崖未得今日之嘉會誠難得也予其

往矣三洞羣仙錄引太平廣記

維揚十友者家並富足拉為道友遞以酒食為娛嘗有一叟敝衣藍縷造席眾亦不拒一日酒酣謂眾曰某雖貧欲具一會奉酣可乎眾皆唯明日乃延入一茅舍丐者數輩環坐乃昇一巨板以油幕幕之揭視乃爛蒸小兒眾皆惡不食叟曰此千歲人參也頗不易得欲以此



奉報既不食命也各自分食升天而去 同上

徐則在縉雲山學道晉王廣鎮揚州召之詣揚州請受道法辭以時日不便其後夕中命侍者取火如平常朝禮之儀至五更死支體柔弱如生停留數旬顏色不變晉王遣使送還天台定葬自江都至天台在道多見則徒步云得放還至其舊居取經書道法分遺弟子跨石梁而去須臾樞至方知其靈化晉王聞而異之遣畫工圖其狀貌令柳詵爲之讚 隋書隱逸傳

續志考正非揚產亦僅一至揚州

王遠知琅邪人徙江都母晝寢夢靈鳳集其身因而有

增修甘泉縣志

卷十五

仙釋

四

娠又聞腹中有啼聲沙門寶誌謂其父曇選曰生子當爲神仙宗伯少聰敏博綜羣書初入茅山爲道士傳陶宏景法後又事宗道先生臧兢隋煬帝爲晉王鎮揚州招之入見時鬚髮忽變爲白少頃復黑王懼而遣之貞觀九年敕州於茅山置大受觀降璽書其年謂弟子潘師正吾見仙格以少有小累不得白日升天翌日沐浴加冠裳焚香而寢遂卒年一百二十六遺命子紹業爾六十五當見天子七十見女君調露二年紹業表其言追諡升貞先生則天時改諡昇元先生 唐書方伎傳

李珣廣陵江陽人也世業販糴而性迴端謹異於常輩



凡糶與糴皆授以升斗俾令自量不計時之貴賤升取錢二文以資父母養而已後值李相珏節制淮南避同姓名改寬珏下車數月修道齋次夜夢入洞府見景色正春烟花爛熳翔鸞舞鶴彩雲瑞霞樓閣連延獨步其下見石壁光瑩填金書列人名內有李珏字長二尺餘以洞府列名自喜忽二童子從石壁左右出問此爲何所童曰華陽洞天此姓名非相公也珏驚復問非珏乃何人乎童曰此相公江陽部民也及曉徧訪府城內同姓名者得李寬舊名珏乃以車迎之入府淨室齋沐兄事之寬年六十時曾有道者教以胎息亦久不食珏愈

增修甘泉縣志

卷十五

仙釋

五

加欽重問何道術服煉何藥願以相授寬辭以愚民不知固請乃告以胎息不食之事珏師其法後寬歷一百餘歲輕健異常一日忽告子孫曰吾寄世多年雖然養氣無益汝輩遂卒三日棺裂有聲視之衣帶不解如蟬脫焉已尸解矣

神仙通鑑

按唐沈份續神仙傳珏在隱化二十人之列

李含光廣陵人生方晬日取孝經如捧讀狀及卅好靜處誦習墳典年十八志求道妙遂師同邑李先生遊藝數年神初以清行度爲道士居隆興觀尤精老莊周易之深趣開元十七年從司馬煉師於王屋山傳授大法



靈文金記元宗賜號元靖先生詔居王屋山陽臺觀歲餘請居茅山纂修經法其合丹之處生靈芝八十一莖徵入紫庭別院懇辭告老御製詩序以餞之大厯己酉歲十一月十有四日頓化於茅山紫陽之別院春秋八十有七初陶隱居以三洞真法傳昇元先生昇元傳體元先生體元傳正一先生正一傳之先生皆總集妙門大真正法所以茅山爲天下道學之宗焉顏魯公文集又見神仙通鑑

按元靖先生互見方伎

續志考正已見方伎內

增修甘泉縣志

卷十五

仙釋

六

馮俊廣陵傭也多力而愚貞元初市遇一道士雇俊擔藥囊約百觔重行至六合登舟令俊伏舟底道士自引帆如行空中食頃呼出已廬山星子灣將登陸矣令俊負藥行五六里許至一大石扣之石分爲二其中有大石堂命捨擔謂左右曰擔夫饑可與之食乃出胡麻飯一器並漿爲食飲畢授錢千令繫腰下又與丹百餘粒曰日食一粒可百日不飢又令俊閉目騎一石道士從後鞭之須臾已在廣陵郭外眎腰下金錢也俊後遂富登上壽焉

康熙府志

劉白雲江都人也多陰德遇道士樂子長日子有仙籍



天骨而流浪塵土中何也因授以籙且告之曰子先得變化而後可授道白雲依而行之變化萬端行七百里再遇子長服丹千日上昇

列仙傳

按府縣志載白雲於襄州結紫雲幄化兵士數千人節度于頓疑其妖使兵馬使攻之白雲乘馬走漢水如履平地辰發靈州午已在湘潭七百里可與此傳相證

劉商彭城人擢進士第歷臺省爲郎中棄官訪道至廣陵城有道士賣藥於眾中見而異之攜登酒樓談秦漢問事皆如目覩及暮散去翌日商復於市訪之道士見

增修甘泉縣志

卷十五

仙釋

七

商愈喜復上酒樓劇談歡醉出一小藥囊贈商并吟曰無事到揚州相攜上酒樓藥囊爲贈別千載更何求別去累尋不復見商開囊取藥服之身輕舉爲地仙

雲笈七籤

揚州老兵官莫敵自解名籍家居奉道多化人積善常齋濟貧苦一日一道人過之問莫所學何道莫曰吾平生懺悔殺人罪耳吾束髮從軍大小百戰殺人最多今年七十三時見冤魂以爲恨道人曰死生一揆罪福本空心以爲罪則罪狀自見心以爲無罪則惡相皆無冤家形影皆自心生非實有也一念迴機其力最大乃引莫臨水果見百餘人血身淋漓來莫左右莫驚泣哀求



道人一喝其冤魂悉皆散去仍以丹三粒與之曰服三粒成天仙二粒成地仙一粒則爲地下主者莫得丹置掌上一粒升空一粒墜地剩一粒服之道人曰分止此耳拜問姓名以指畫空作呂字去莫自是絕烟火食知人休咎歷年一百有三端坐而逝

神仙通鑑

呂秀才者一日過廣陵妓黃鶯托宿以其藍縷垢汚而拒之秀才題二詩于屏一曰嫫母西施共此身可憐老少隔疎親他年鶴髮雞皮媪今日花顏玉貌人其二曰花開花落兩悲歡花與人還共一般花在枝頭防客折落來地下請誰看題畢不見蓋洞賓先生也黃悟抉目

增修甘泉縣志

卷十五

仙釋

八

同上

新安聶師道宗微少事道士于方求發跡名山數見異人楊行密開府揚州宗微實輔佐之爲國師三十年楊氏末解化而去弟子葬之舉棺惟衣履存焉

詩話總龜

劉海蟾初名操改名元英廣陵人第明經仕燕劉守光爲相素喜黃老忽遇正陽子爲演清靜無爲之宗金液還丹之要辭燕適秦韜光隱晦遇尙書郎李觀語曰奉煩寄語養素先生藍方十月懷胎如何得出觀至南岳語方方驚曰吾養聖胎已成念非海蟾不足以成吾道是年方卒常訪陳希夷爲方外友所至多有遺踪後白



氣從頂門出化鶴飛去元至元六年封明悟宏道真君  
續文獻  
通考

淮東揚州進士傅鴻一生戒行供養真武三十餘年以  
應物甚妨道業乃棄家雲遊至終南山上清太平宮知  
宮張守真見其形貌清古留於本觀別治一室居年餘  
修奉上真香火虔敬恭恪一夕眾寢後守真叩鴻寮見  
火光一道從寮內迸出聞鴻睡中與人語明早問鴻鴻  
曰今當限至遂沐浴易衣升堂聽受真武真君托身降  
言令爲我傳報宋天子云三月桃花景色天萬般真瑞  
一時妍金枝寶運從新令仲節當迎赤腳仙次日鴻遁

增修甘泉縣志

卷十五

仙釋

九

去不知其踪守真以真武降言不敢隱晦上其事於陝  
西經畧使聞之朝其年果生太子以預報勝因就太平  
宮建真武寶閣及立鴻祠賜號勝因真人并給本人家  
屬銀絹一百疋兩

神仙通鑑

鄭搖鈴在京師持一銅鈴搖鳴闐闐間丐錢爲食用餘  
則分惠貧者宣和末來維揚搖鈴丐錢夜則寄宿逆旅  
久之謂主人曰吾將死所以隨身衣物悉置之棺焚之  
已而果死主人如其言昇棺出城舉者覺漸輕而聞鈴  
聲常在數十步外鈴聲漸遠則棺愈輕至焚所啟視之  
惟一竹杖而已

睽車志



廣陵有蔣生者死十四年尸猶溫軟其妻女閉門守之未嘗與鄰里通水火一日有書一封達其家視之乃生字跡也杜君懿實其事有贈君懿一詩曰仙翁棄妻子往爲壺中客玉棺竟未掩人世已成昔白雲無回期三徑滅遺跡猶傳有青鳥往往寄消息

公是先生集

鄧齊賢廣陵人有道術習瓊瑄玉蟾君致雷法自號心雷河東張仲舉承旨趙郡蘇昌齡編修爲之記

翠屏集

張紫陽天台人浪跡雲水遇一僧能入定出神數百里間頃刻輒到紫陽曰禪師今日能與同遊遠方乎僧曰可也紫陽曰惟命是聽僧曰願同往揚州觀瓊花於是

增修甘泉縣志

卷十五

仙釋

十

紫陽與僧靜處一室相對瞑目趺坐皆出神遊紫陽纔至其地而僧先至遶花三匝紫陽曰今日與禪師各折一花爲記僧與紫陽各折一花歸少頃二人欠伸而覺紫陽云禪師瓊花何在僧袖手皆空紫陽拈出瓊花與僧笑玩後弟子問曰彼禪師者與吾師同此神遊何以有折花之異紫陽曰我金丹大道性命兼修故聚則成形散則成氣所至之地眞神見形謂之陽神彼直修性宗不復修命故所至之地人見無復形影謂之陰神弟子曰唯

神仙通鑑

按列仙世代年月具載各傳而不冠以某朝



以其爲仙則可歷終古難定以世數也至漢時后土祠住持道士金大貴著有姓氏宋有瓊花觀道士金大甯金丙瑞二人培護瓊花俱不可泯并附見其姓氏焉

佛馱跋陀羅甘露飯王之苗裔與羅什相見什有所疑多就咨決東晉義熙十四年於謝司空寺譯華嚴六十卷寺前池內有二童子從池內出捧香散花

翻譯名義

按東林蓮社十八高賢傳稱尊者譯經不著其地而翻譯名義云在謝司空寺寺即今天甯寺謝安石之故墅也二青衣從池出嘉靖

增修甘泉縣志

卷十五

仙釋

七

維揚志云兩青蛇從井出微有不同志稱尊者譯經後遁去不知所之而高賢傳稱尊者塔在廬山北嶺

曇詵廣陵人幼從遠公出家勤修淨業兼善講說注維摩經行世嘗著窮通論以明宿修述蓮社錄以記往生又能別識鳥獸毛色俊鈍之性洞曉草木枝幹甘苦之味妙盡其理元嘉十七年集眾謂曰自建寺以來至此五十年吾之西行最在其後即跏趺念佛百聲閉息遂絕春秋八十

東林蓮社十八高賢傳

惠休善屬文辭采綺豔徐湛之爲南兗州刺史與之甚



厚孝武命還俗姓湯任揚州從事

宋史

法莊俗姓申淮南人十歲出家廬山爲遠公弟子少以苦行著晚遊關中從叡公學元嘉初出都止道場寺誦大涅槃法華淨名諸經比舍常聞有兵仗羽衛聲蓋天神來聽也宋大明初卒於寺年七十六

高僧傳

慧慶廣陵人出家廬山學通經律清潔有戒行每夜誦法華十地思益維摩經聞闍中有彈指讚歎聲嘗於小雷江中遇風船將覆慶誦經不輟覺船在浪中有人牽之者倏忽至岸宋元嘉末卒年六十三

高僧傳

道儒姓石氏渤海人寓居廣陵少懷清信慕出家宋臨

增修甘泉縣志

卷十五

仙釋

三

川王義慶鎮南兗州贊成之蔬食讀誦所至勸人改惡修善遂成導師元嘉末出都止建初寺長沙王請爲戒師盧丞相等共買張敬兒故宅爲立寺今齊福寺也齊永明八年歿年八十一

同上

慧益廣陵人隨師在都下竹林寺精勤苦行誓欲燒身大明四年始卻粒惟餌麻麥食油酥未幾又斷油酥食香丸孝武遣江夏王義恭詣寺請益益誓志無改七年四月八日乃於鍾山之南置鑊辦油乘牛車之山就焚帝駕親臨諸王后妃道俗士庶填滿山谷益入鑊據一小胡床以吉貝自纏加一長帽以油灌之將著火帝命



太宰諭止之益志愈確乃手自執燭然帽帽然已合掌  
誦藥王品火至眉誦聲猶分明及眼乃昧觀者莫不彈  
指稱佛帝聞空中笳管異香芬苾詔於燒身處起藥王  
寺焉 同上

道達俗姓裴聞喜人住廣陵永福精舍少以孝行著拯  
濟危險道潤江濱梁永明中爲南充州僧正廉潔有治  
才報罷後惟故紙五束 續高僧傳

惠命廣陵人住安樂寺開濟篤斐崑以成實見知 同上

慧布姓郝氏廣陵人少懷遠操年二十一剃落入揚都  
從建初寺瓊法師學成實論又從攝山止觀寺詮法師

增修甘泉縣志

卷十五

仙釋

十三

聽開三論洞達清元時號爲得意布亦曰思元布後于  
大品善達章中悟解大乘陳至德中帝與諸王并受其  
戒奉之如佛貞明元年十一月二十三日端坐而化未  
化前大地連動七日化後移屍就林山地又動太史奏  
曰得道人星滅矣有望見旛花滿寺光明騰焰者不測  
其故入山視之乃布公去世 同上

法侃滎陽鄭氏子弱年從道志力堅明初依泰山靈巖  
繼從前達法師後南渡江陰栖遲建業陳平後乃北止  
江都安樂寺有曹毘者清信士也明解攝論真諦親承  
侃覆敘所聞侃每於隱義發明鋪示旣允愜當毘合掌



稱善

同上

智錡姓夏侯氏豫章人少出家揚州興皇寺聽朗公講三論善受元文隋開皇十五年遇天台顓公修習禪法特有願力顓歎重之晚講涅槃法華及十誦律又善文筆史籍後至廬山造大林精舍隋文帝召之不往歿年七十有八

同上

慧海姓張氏武城人少年入道師鄴都罔法師更從青州道猷法師以周大象二年來儀濤浦創居安樂修葺伽藍起建重閣常以淨土爲期專精致感有齊州僧道詮賫畫無量壽像來云是天竺雞頭摩寺五通菩薩乘

增修甘泉縣志

卷十五

仙釋

古

空往彼安樂世界圖寫真像冥會素情深懷禮懺乃神光照爍於是模寫懇苦願生彼土以隋大業五年五月旦伸手五指用表終期至五日夜欬然而起依常面西禮竟趺坐至曉方逝春秋六十有九卽以其月九日琢石於寺鐫爲巨室而移坐焉江都令辛孝凱躬自指攜弟子慧昞以全身處架塔築基建碑旌德秘書學士王春爲之文

同上

慧璉姓吳氏江都人七歲依榮法師出家隋仁壽中從榮被召住禪定寺大業末郊壘多虞寺眾推璉善能禦敵乃總集諸處人畜在昆池一莊多設戰樓用以防禦



時司竹羣賊鼓行郊野無抗拒者兵臨莊次璉登樓一望見張旗十里乃收束弓刀反縛奴僕大設餽饌廣開倉廩身先入陣勞問軍主引至莊中命令就坐既見盛設相與開顏飽噉而去惟取牛十頭擬勞軍牽至中途璉後從乞還之所以義甯之初通莊並潰禪定如舊無損唐貞觀初住雲華寺又徵入普光八年冬終于彼寺

同上

智聰住揚州白馬寺後住止觀寺專聽三論陳平後渡江住揚州安樂寺大業之亂思歸無計隱江荻中誦法華經七日不飢恒有四虎遶之聰曰吾命須臾卿須可

增修甘泉縣志

卷十五

仙釋

五

食虎曰造天立地無有此理忽一公年可八十榜舟而至曰師欲渡江棲霞住者可即上船四虎一時目中淚出聰曰救危拔難正在今日可迎四虎於是利涉往達南岸船及老人不知所在聰領四虎同至棲霞舍利塔西經行坐禪誓不寢臥眾徒八十歲不出院若有凶事一虎入寺大聲告眾以爲式唐貞觀二十三年四月八日小食訖往止觀寺禮大師影像執爐徧禮又往興皇墓所禮拜還歸安坐而卒異香充溢哀動山林時年九十有九

十有九

同上

法喜南海人形容短陋年可四十許蠻蜒間相傳已三



百餘歲其自言亦云舊識廬山遠法師及晉宋間事歷  
悉如信宿平素悄然見人必語語必含深意吉凶之徵  
有如影響大業二年煬帝幸江都迎之至揚子宮常於  
宮中環走索羊頭帝聞惡之敕鎖著一室俄而三衛人  
見其遊行於市還奏敕所司復驗禁閉之處門鎖如故  
守門者曰喜現在室中開戶見袈裟一聚白骨其鎖貫  
項骨不脫帝愕然敕令勿輕搖蕩曰聖者神變無方至  
暮喜還在室或言或笑守者復奏帝令脫鎖縱其所適  
或一日赴數家齋或時飲酒啖肉俄而有疾自撒所臥  
床薦襯簀鼓寢令人於其下鋪炭然之半身焦爛而歿

增修甘泉縣志

卷十五

仙釋

六

葬於香山寺側後四年南海郡奏喜見還在郡敕遣開  
棺空無所有 宋高僧傳

曇璿江都人少學成實兼諸經論涅槃大品每往法筵  
亟陳論決徵據文旨學者憚焉煬帝爲晉王造寺京室  
延璿入住仁壽末敕送舍利于於熙州環公山山谷寺  
璿卽其地擬構塔基其處屢放金光如一疋許而舍利  
怡到先不相謀若同其契後住宏善寺終 同上

住力姓褚氏陽翟人避地吳郡之錢塘縣出家器宇凝  
峻虛懷接悟陳宣帝於京城造秦皇寺敕監百工至德  
二年又敕爲寺主陳亡負錫遊方訪求勝地行至江都



止長樂寺焉隋開皇十三年建塔五層金盤景耀十七年煬帝鎮廣陵以力爲寺主接奉丹陽龍光寺優填王像及王謚所得定光像於長樂供養特建二閣并夾二樓神工宏壯大業四年又起四周僧房廊廡十年以旃檀香木模寫瑞像并二菩薩同安閣內十四年江都之亂道俗流亡誓以身命守護殿閣唐武德六年輔公祐作亂凡百寺觀欲撤送江南力願燒身留寺遂於十月八日香湯沐浴跣趺面西引火自焚於佛前年八十羣鵲哀鳴右繞七匝而去師歿後像遂南遷而殿閣得免煨燼東宮庶子虞世南爲碑記

同上

增修甘泉縣志

卷十五

仙釋

七

道慶姓戴氏其先廣陵人後遷無錫年十一出家事吳郡建善寺藏閣黎十七入都聽彭城寺講成實論大義餘論皆莫之遺陳祚旣終東歸無錫居鳳光寺後止毘檀宏業寺專事闡揚無棄寒暑又善應物交遊毫翰奔涌琴詩婉妙以唐武德九年八月示寂窆於扶塘之山入壙之日有白鶴一羣自天而下搖曳迴翔推藏哀唳沙門法宣銘之

同上

靈坦姓武氏則天太后姪孫也母夢神僧授與寶鑑而生七歲誦習畢通應童子舉十三從宦至太子通事舍人而誓入空門從洛都盛化荷澤寺神會禪師天寶初



載召坦曰吾有一句是祖祖相傳至曹溪曹溪付吾汝  
諦受之遂遊方而去坦亦向廬州大厯五年間南忠國  
師應詔入都往禮覲之八年欲出關忠奏坦是神會弟  
子敕賜號曰大悲兼齋墨敕行化至六合方歎大法陵  
夷忽聞空中有聲曰開心地卽見菩薩如文殊像曰與  
汝卽驗令舉項以掌按之尋見有四指赤痕其印迹恒  
現又止金山消北面龍穴毒氣又在江陰定山結庵有  
二白龜白蛇受戒又往吳興林山造一蘭若有金紫三  
丈夫同來稱歎元和五年相國李鄘召居廣陵華林寺  
寺有張遼墓多鬼物惑亂坦居之寂然居人向所患山

增修甘泉縣志

卷十五

仙釋

六

妖木怪坦一一遏禦之至十年忽見龜茲國二胡人來  
請和尚演教十一年五月十三日預告眾曰吾赴遠請  
七月示寂九月將滅至季秋八日果寂遷塔於揚州西  
馴翟方之南岡報齡一百八歲僧臘八十四蓋曹溪之  
孫荷澤之子也 宋高僧傳

鑒真姓淳于氏廣陵江陽縣人幼隨父入大雲寺見佛  
像感動夙心因求出家在智滿禪師下天后長安元年  
配住本寺寺後改名龍興神龍元年從道岸律師受菩  
薩戒景龍元年詣長安二年于實際寺依荊州恒景律  
師歷經明師陶誘動必研幾會無矜伐比旋淮海以戒



律化誘鬱爲宗首時日本國有沙門榮叡普照等東來募法開元年中達於揚州問禮眞足乃於天寶二載六月同比邱思託等十四人買舟自廣陵賫經律法離岸至越州浦出洋風濤甚惡舟人顧其垂沒有投棄棧香木者聞空中有聲曰勿投棄見轆轤各有神將介甲操伏焉尋時風定相次達於日本其國王歡喜迎入城大寺安止初於盧遮那殿前立壇爲國王受菩薩戒次夫人王子等次本土有德沙門足滿十員度沙彌澄修等四百人用白四羯磨法爲彼國傳戒律之始祖以彼國天平寶字七年五月五日無疾辭眾坐化身不傾壞爲

增修甘泉縣志

卷十五

仙釋

九

唐代宗廣德元年也至今其身不施苾漆國王貴人信士時以寶香塗之僧思託著有東征傳

同上

法慎姓郭氏江都人少從瑤臺成律師受戒具依太原寺東塔體解律文聲振京師諸寺眾請綱領遂東歸揚都暑不攝齋食不求飽居不易坐四方施捨一歸大眾及再至京國有黃門侍郎盧藏用虔奉之朝士陸象先畢構陸餘慶嚴挺之崔希逸房琯崔渙李澄詩人王昌齡綦毋潛輩皆與交接天寶七載十月十四日晨興盥漱就胡床跏趺既曛而滅於龍興寺別院塔於蕪城西蜀岡之原上首幽公請吏部員外郎趙郡李華撰碑文



大理司直張從中書趙郡李陽冰題額 同上

法海字文允姓張氏丹陽人少出家於鶴林寺周覽羣經該通外學六籍嘗謂人曰佛法一門極惟心地餘皆椎輪也天寶中與揚州法慎律師講肄同曇一靈一等推爲顏冉復與杼山畫公爲忘形之交林下之遊緇白二徒多從求益焉 同上

崇演姓段氏東平人初出龍興慧超法師之門繼得嵩陽善寂禪師示心法居都梁山四方景附相國李紳鎮揚州少所接與聞其名遣人傳意召演入府酬對詣理談論鏗然特加歸信請主慧照寺化導聽法者千眾開

增修甘泉縣志

卷十五

仙釋

三

成二年終于淨院以十月二十三日全身入塔云 同上

廣陵大師者不言法名維揚人也形質寢陋性桀黠嗜酒啖肉常衣總繭裘盛暑不整脫蚤蝨聚其上僑寓孝感寺獨一室每夕闔扉而寢或狂悖性發則屠犬彘日與惡少鬪毆或醉臥道傍或與人賭博或剽奪人錢帛市人皆惡之而畏其勇莫敢與拒一耆年僧召大師誠勅之大師怒對之曰蠅蚋徒喋羶羶安知鷗鵠之志乎我道非爾所知也我清中混外者豈同爾齷齪無大度乎耆年不能屈一日自外歸入室閉戶有自戶隙覘見大師坐席放神光自眉間晃朗照物洞然驚報寺僧皆



來瞻禮明晨開戶則瞑目如入定已長往矣自此廣陵人寫貌供養號之爲大師焉同上

省躬睦州桐廬人爲童強識忽投聖德寺從師得度復得姑蘇開元道恒師指授時有擊論互指爲迷者必請見躬爲判之晚赴維揚廣爲講訓所著有順正記十卷復通儒學作碑記以其曾化邗溝故呼爲淮南記主自稱冷山沙門焉同上

靈一姓吳氏廣陵人九歲出家十三斷髮嚴持律儀將紹法寶示人文學以誘世初不計身中有我我中有身德充報圓緣斷相滅寶應元年十月十六日終於杭州

增修甘泉縣志

卷十五

仙釋

三

龍興寺年三十有五所著有法性論平日與天台潘志清襄陽朱放南陽張繼安定皇甫曾范陽張南史吳郡陸迅東海徐嶷景陵陸鴻漸輩爲塵外之交詩行于世

文苑  
英華

懷信居廣陵會昌三年癸亥歲武宗爲趙歸真排毀釋門有淮南詞客劉隱之遊四明夢泛海見一塔東度是淮南棲靈寺塔塔第三層有信凭闌與之語且曰暫送塔過東海旬日當還數日隱之歸揚州卽往謁信信日記得海上相見時否隱之了然省悟後數日塔災獨遺旁一草舍宋高僧傳



從審幼入江都禪智寺捨家誦經數萬餘言咸通五年受戒具於燕臺奉福寺後併三衣成五衲徧覽名山勝概晚歸淮甸推爲僧首貞明二年三月十九日偶中微疾而終顏貌如常茶毘獲舍利三十粒

同上

舉直唐懿宗子也出家遊方至揚州詔以太平倉基地爲鎮國禪院居之歿於院側立浮圖五級葬之宋元豐末發柩全骨鈎聯不解舍利發光著異焉

嘉靖維揚志

智具姓柳氏揚州人南嶽下三世章敬暉禪師之法嗣初謁章敬問何所而至師曰至無所至來無所來敬雖默然師亦自悟偈曰心本絕塵何用洗身中無病豈求

增修甘泉縣志

卷十五

仙釋

三

醫欲知是佛是身處明鑑高懸未照時住福州龜山咸

通六年終謚歸寂禪師

續文獻通考

太原孚上座初在揚州光孝寺講涅槃經有禪者阻雪聽講至三因佛性三德法身廣談法身妙理禪者失笑講罷請教禪者禪者教以輟講旬日掩關端坐收心攝念師一依所教從初夜至五更聞鼓角聲忽然契悟遂罷講徧歷諸方登住山法會又至閩中謁雪峰和尚俱有深契後歸揚州爲陳尚書供養一日謂尚書曰來日講一徧大涅槃經作報荅屆期升座良久揮尺一下曰如是我聞尚書應諾師曰一時佛在便乃脫去

補高僧傳



慧覺南嶽下四世趙州驗禪師之法嗣住揚州光孝院

續文獻通考

豐化和尚青原下六世雲居膺禪師之法嗣住揚州豐

化院 同上

令崇舒州人青原下七世雲居岳禪師之法嗣住揚州

豐化院 同上

原禪師姑蘇夏氏子青原下十三世雲白禪師之法嗣

住揚州建隆寺 同上

齊密首座本郡人南嶽下十四世黃龍新禪師之法嗣

同上

增修甘泉縣志

卷十五

仙釋

三

宣秘禮禪師南嶽下明詔慧禪師之法嗣住揚州石塔

院 同上

道暉和尚宋建隆元年勅立建隆禪院賜田千頃命為

住持 同上

昭慶禪師南嶽下十二世黃龍能禪師之法嗣住揚州

建隆院 同上

贊甯有文學洞古博物著書數百卷宋太祖禮之王禹

偁輩常就之質疑柳開守維揚贈之詩有空門今日見

張華之句所著筭譜尤傳于世 嘉靖維揚志

來峯泰維揚雍熙寺主僧也所著有禪林類聚釋永甯



曰此古人糟粕耳檢點何爲

續文獻通考

志如揚州普門庵僧元至大二年置田若干畝至順間建佛殿塑諸天法像元統三年築三塔於永貞鄉學者踵來待之未嘗厭倦又制爲規訓以傳於後

危素悅學齋集

維揚志

德音號海潮揚州建隆寺僧精數學

同上

按德音事蹟詳方伎門

增修甘泉縣志

卷十五

仙釋

三

法衡字秋巖居天甯寺能詩有竹西齋稿

明詩綜

智觀字止先又字蔚然江都人能詩有中峯草

同上

以上原志

唐

幼章唐相國夏侯孜之猶子大中初伯父司空出鎮廣陵師方七歲游惠照寺聞誦法華志求出家伯父初不允師絕飲食不得已而許之師慧遠禪師天祐三年錢尚父建瑞龍院迎請開法

南唐

慧覺禪師住揚州光孝院嘗問相國宋齊邱曰還會道



麼宋曰若是道也著不得師曰是有著不得是無著不得宋曰總不恁麼師曰著不得底聾宋無對

宋

慧誠禪師住廬山歸宗寺揚州人青原下十世報恩安禪師之法嗣

明

睿略簡禪師蘇人洪武閒住持天甯寺有道行能詩姚道衍銘其墓

國朝

上悟字雪蒼俗姓姜本江都學生後爲僧結廬黃珏橋

增修甘泉縣志

卷十五

仙釋

三

北之竹墩名曰沙香洲工詩多奇氣與范石湖等相唱

和有既上人詩一卷

續志葺補

方外附

按前志有仙釋仙何可易言爲更列一目

宗森字品木浙海寧張氏子八歲舍家受具戒於西湖之昭慶行脚遍參雍正閒至京師值開藏經館遴選海內三宗高僧遂獲與焉先是曾受付屬於石塔寺主旣竣事求龍藏供奉石塔歸爲華山首座尋主建隆時寺圯無完堵開法重興歙商黃晟感異夢鼎建乾隆辛未告成爲建隆常住中興其後有恆一字夢因恬淡能詩



亦海寧人

明彰字倬雲號紫松杭人披剃後至都以高行選入藏經館雍正甲寅

賜紫勅住揚州天寧寺戒律精嚴門庭整肅爲一時諸刹之冠

有山房敝帚集其陳叢林便宜疏尤切中僧徒流弊

湛性

又作汛

字藥根丹徒徐氏子出家住祇園菴工詩善

書手鐫圖書尤精妙一時名公卿禮重之直督方宮保邀主保定之青蓮禪舍學士李廉衣爲作傳有雙樹軒詩鈔一卷桂林胡書巢太守重刊之

道存字石莊上元人披剃於江寧之承恩寺嘗主淮陰

增修甘泉縣志

卷十五

仙釋

三

湛眞方丈住持湖上之桃花菴工畫善吹洞簫菴多士大夫之游以文翰相酬接咸禮重之

汪履之董公祠道士也性恬淡有氣節德州盧雅兩爲兩淮運使以奕見知未幾盧有塞外之行履之慨然請往終三年同歸盧有詩贈之後爲甘肅主簿

以上續志

昌立號小支儀徵人住高旻寺數載豁然穎悟能詩道光年間住持建隆寺問樵和尚傳衣鉢爲方丈戒律清嚴著建隆寺志略六卷圓寂後火化得堅固子十數粒圓明號秋水道光丁酉戊戌間住持新菴清修梵行工



詩得禪理於梵經多所銓解常閉門禮懺數日不食宣講華嚴十地人皆以爲異聞近行脚入峨嵋矣

管本厚字吟松世家子住持邵伯九松道院清修有年工琴書位置花草得雅人深致道光乙巳阮文達公過其地嘗顏其居曰別有綠天辛丑壬寅閒募修殿閣煥然一新劉文淇有重修玉皇閣記

甘棠小志

月修住持邵伯多寶院與如臯枕石風雨聯吟有閉門石半夜擁被月三更之譽里中徐春泉中翰王燦英茂才史牧邨徵士周鹿坪明經與結社焉其徒天來善蒔花雅量高致亦不替宗風云

同上

增修甘泉縣志

卷十五

仙釋

三七

以上新增